



Sofia Geisler
Inatsisartunut ilaasortaq, Inuit Ataqatigiit

Atuartut angerlarsimaffiat pillugu § 37 naapertorlugu apeqquummut nr. 241-mut akissut

Asasara Sofia Geisler,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

1. Naalakkersuisut ilisimatitsissutigisinnaavaat atuartut angerlarsimaffii Nunatsinni qassiunersut?

Akissut: Kalaallit Nunaanni atuartut angerlarsimaffii quliupput (taamaattoq Qassiarsummi atuartut angerlarsimaffiat atorneqanngikkallarpoq).

2. Naalakkersuisut ilisimatitsissutigisinnaavaat atuartut angerlarsimaffii taakku qassit suliassamut naapertuuttumik ilinniarsimasunik ulloq unnuarlu sulisoqartarnersut?

Akissut: Atuartut angerlarsimaffii tamarmik atuartunik ulloq unnuarlu malinnaasussaapput. Taamaattoq atuartut angerlarsimaffiini sulisut qanoq ilinniagaqarnissaannut inatsisitigut aalajangersakkanik peqanngilaq.

3. Naalakkersuisut ilisimatitsissutigisinnaavaat a) ulloq unnuarlu sulisullit atuartut angerlarsimaffii sumi inissisimanersut, aammalu b) ulloq unnuarlu sulisoqanngitsut sumi inissisimanersut?

Akissut: Kommunini/illoqarfinni/nunaqarfinni tullinnguuttuni atuartut angerlarsimaffeqarpoq atuartunik ulloq unnuarlu malinnaasussanik:

- Avannaata Kommunia: Qaanaaq, Upernavik, Ummannaq
- Kommune Qeqertalik: Aasiaat
- Qeqqata Kommunia: Maniitsoq
- Kommuneqarfik Sermersooq: Nuuk, Tasiilaq
- Kommuni Kujalleq: Qaqortoq, Nanortalik (aamma Qassiarsuk)

Atuartut angerlarsimaffiani ullup unnuallu ingerlanerani piffissap ilaani sulisoqarsimanginneranik Naalakkersuisut nalunaarfigineqarsimangillat. Taamaattoq

25-07-2019
Suliap normua 2019 - 16249
Allakkat nr. 11163219

Postboks 1029
3900 Nuuk
Oqarasuaat: : +299 34 50 00
Email: ikin@nanaoq.gl
www.nanaoq.gl

Ilinniartitaanermut Aqutsisoqarfik § 37 naapertorlugu apeqqummik matuminnga akissuteqarnerminut atatillugu kommunini atuarfeqarfiit tamaasa aperisimavai ulloq unnuarlu sulisoqanngitsunik atuartut angerlarsimaffeqarnerseq. Atuartut angerlarsimaffii tamarmik ulloq unnuarlu sulisoqartartut kommunit tallimat tamarmik ilisimatitsissutigaa.

4. Naalackersuisut ilisimatitsissutigisinnaavaat ulloq unnuarlu sulisoqanngitsut atuartut angerlarsimaffii kimik nakkutigineqarnerseq?

Akissut: Kommunalbestyrelsen atuartut angerlarsimaffiisa ingerlannerat atuartunillu pisarialimmik malinnaanissaq nakkutilliinissarlu akisussaafigai. Ulluinnarni sulinerminu kommunini atuarfeqarfinnik ingerlatsisut atuarfimmi pisortat suleqatigalugit qulakkiissavaat, atuartut pisarialimmik malinnaavigineqarnissaat isumassorneqarnissaallu. Taamaattoq Nuummi atuartut angerlarsimaffiat ingerlatsivimmit toqqaannartumik aqunneqarpoq.

5. Naalackersuisut ilisimatitsissutigisinnaavaat ulloq unnuarlu sulisoqanngitsut atuartut angerlarsimaffii piffissap suup iluani sulisoqartarnerseq?

Akissut: Apeqqummut 3-mut akissut takujuk.

6. Naalackersuisut ilisimatitsissutigisinnaavaat meeqqat atuartut angerlarsimaffiini najugaqartut ukiumikkut qanoq agguataarsimanerseq ukiuni atuarfiusuni 2016/2017, 2017/2018 kiisalu 2018/2019?

Akissut: Nunatsinni atuartut angerlarsimaffiini najugallit pillugit tabeli tullinnguuttoq takuuk (1. oktober 2018-imi nalunaarutigineqartut tunngaviupput):

Klasse / ukiut	2016/2017	2017/2018	2018/2019
10. klasse / 15-16	97	85	101
9. klasse / 14-15	71	53	49
8. klasse / 13-14	20	31	35
7. klasse / 12-13	1	4	
6. klasse / 11-12			
5. klasse / 10-11	3		
4. klasse / 9-10			
3. klasse / 8-9			
2. klasse / 7-8			
1. klasse / 6-7	1		
Spezialklasse ¹	18	16	16
Katillugit / I alt	211	189	201

¹ Ado Lyngep Atuarfiani atuartut

7. Naalackersuisut ilisimatitsissutigisinnaavaat atuartut angerlarsimaffiini sulisut ilinniakkamikkut qanoq tunuaqutaqarnersut?

Akissut: Naalackersuisut atuartut angerlarsimaffiini sulisut ilinniakkatigut tunuliaqutarisaat pillugit nalinginnaasumik kisitsisitigut paasissutissanik katersineq ajorput.

Atuarfik pillugu Inatsisartut inatsisaata allanngortinneqarnera pillugu Inatsisartut inatsisaanni nr. 21 ulloq 13. november 2017-imeersumi (Atuartitsinerup imarisaa, aaqqissuussaaneq, piareersaaneq aamma ilisimasani katersisarneq pillugit malittarisassanik allannguneq), atuartut atuartut angerlarsimaffiiniittut atuartullu ineqarfiiniittut pillugit malittarisassanik Naalackersuisut aalajangersaasarnissaat pillugit aalajangersakkat akuerineqarput, tassunga ilanngullugit atuartut angerlarsimaffiini atuartullu ineqarfiini inissatigut ilikkagaqarnissamut imarisassanut minnerpaamik piumasaqaatit. Tassunga atatillugu ilisimatitsissutigineqarsinnaavoq, Ilinniartitaanermut, Kultureqarnermut Ilageeqarnermullu Naalackersuisoqarfik nalunaarusiorluni aallartissimasoq, ukiup ingerlanerani naammassineqarnissaanik naatsorsuutigineqartumik.

Atuartut atuartut angerlarsimaffiini ineqarfiinilu najugallit pillugit nalunaarutissap suliarinerata aallartisarnerata ilaattut Ilinniartitaanermut Aqutsisoqarfik 2018-imi ukiakkut misissuisimavoq, sulisut matumani ilinniagaat aamma misissorneqarsimallutik. Nunatsinni atuartut angerlarsimaffii quliusuni arfinillit atuartullu angerlarsimaffiini sulisut misissorneqarsimapput, taakkualu imatut agguataarsimapput (ukiaq 2018):

Atuartut nunaqarfimmeersut najugaqarfiat	Atuartut amerlassusaat	Sulisut amerlassusaat	Igaffimmi sulisut
Nanortalimmi atuartut angerlarsimaffiat	21	10	Iggavimmi sulisut ilinniarsimasut 5
Qaqortumi atuartut angerlarsimaffiat	9	7	1 inuussutissalerinermut ikiorti
Nuummi atuartut angerlarsimaffiat	18	8	Igasoq ilinniarsimasoq 1
Uummannami atuartut angerlarsimaffiat	23	9	1 inuussutissalerinermut ikiorti
Upernavimmi atuartut angerlarsimaffiat	38	5 ²	Ilinniarsimanngitsut 2 Praktikkertoq 1
Tasiilami atuartut angerlarsimaffiat	39	15	Eqqiaasut 4 Pedel 1

Paasissutissarsiffik. Kalaallit Nunaanni atuartut angerlarsimaffiini Killiffiit pillugit nalunaarusiami tabelimit tigulaagaq. Ilinniartitaanermut aqutsisoqarfik, 2018

² Tamanna kukkunerusimassaaq. Matumani 8 allaqqasussaassaaq.

Naatsorsuutit siuliani taaneqartut saniatigut Maniitsumi atuartut angerlarsimaffiat ukiumi atuarfiusussami aggersumi aqqaneq-marlunnik najugaqartuuteqassasoq Qeqqata Kommuniata paasissutissiissutigaa. Atuartut angerlarsimaffianni sulisut, perorsaasunik tallimanik (taakkunani aqutsisoq ataaseq tullersortaalu ataaseq), igaffimmi aqutsisumik pigaartumillu 1½-imik amerlassusilerneqarsimapput. Atorfiit taakkua tamarmik inuttaqarput.

8. Naalackersuisut ilisimatitsissutigisinnaavaat atuartut angerlarsimaffiini sulisut akisussaaffik suna naammassissallugu tassani sulisarnersut?

Akissut: Atuartut angerlarsimaffiini sulisut akisussaaffigisaat pillugit malittarisassanik erseqqissunik inatsimmi aalajangersaasoqarsimanngilaq. Taamaattumik apeqqummik akissuteqarnermi atuartut angerlarsimaffiata suliassai atuuffiilu kiisalu sulisup atorfinitsinneqarnissaanut tunngatillugu piunasaqaatinik sukumiinerusunik, atorfinitsitsinermut atatillugu aalajangersarneqarsimasussaasunik naliliineq tunngavigineqartariaqassaaq.

Atuartut angerlarsimaffiata atuuffiitut apeqqutit eqqarsaatigalugit oqaatigineqassaaq, atuartut angerlarsimaffii atuarfiit pillugit inatsimmi nalinginnaasumik aalajangersakkanik malinnittussaasut, matumani atuartut angerlarsimaffii pisussaaffiliisussaapput, killilersuisussaapput inersimasunillu peqateqarluni naleqartitat tunngavigalugit ataatsimoorfiussapput, tassa atuartut ilinniaqqinnissaannut periarfissaqarnissaat siunertaralugu atuartut angajoqqaavinik piffissap ilaani ilitsersuisutut isumassuisutullu taartaasussaallutik. Taassuma malitseqartinnerani ilimagineqartariaqarpoq, akisussaaffittut suliassat tassaassasut atuartunik malinnaanermut, isumassuinerumut, nerisaqartitsinermut, eqqiluisaartitsinermut, ilinniakkerisarnerannut, inuusuttut sammisaannut sunngiffimmilu sammisanut peqataatitsisarnermut tunngasut, soorluttaaq akisussaaffik atuartut angerlarsimaffiata atuartullu angerlarsimaffiviata il.il. akornanni suleqatigiinnermut tunngasinnaasoq.

Inussiarnersumik inuulluaqqusillunga



Ane Lone Bagger